



丹穴老人善誘文

百川學海

善誘文序



丹穴老人吾家之長兄也僻好編集戒殺之文傳於世因戒而得善報者則編之因不戒而得惡報者則不敢編也雖然猶慮人不喜觀復以前賢警世格言渾殺乎其間聊欲誘人之一觀也或問之曰丹穴老人何苦如是吾兄乃屈指笑而言曰予不願如楊寶得玉環予不願如宋郊奪魁選予不願如竇禹鈞有五枝茅予不願如黃蕙濟登仙籍但願予在世蔬食菜羹不飲不飽飯蔬飲水樂在其中如斯而已盡乎

天年既後之後願如壽不見閻王徑歸淨土得幸西
方聖人論講佛道且無輪迴之苦死喪之威豈不樂
哉吾兄喜得此理欲與世人共之俾弟鍊趣刊板
印施之日曰善誘文噫觀吾兄之所編則善誘之意
可知矣嘉定十四年辛巳歲重陽日弟鍊再拜謹
序

開卷有益


為善最樂

善誘文

趙清獻公座右銘

丹穴陳錄

編施



依本分 無煩惱

莫妄想 常快樂

待則息 一任他

怎奈何 休理會

知足勝持齋 萬事隨緣
何須特地

無求勝布施 無求自安
布施貪福

懼法朝朝樂心懼則不樂

欺公日日驚欺則自知 欺欺不驚

爭先徑路機關惡急於趨利 用心必惡

近後語言滋味長謙退甚佳 情况甚佳

爽口味多須作疾偏勝之味 疾疹隨作

快心事過必為殃一時快意 事過傷身

得便宜處莫再去得失無常 事不可必

怕人知事莫萌心先察可否 然後起意

盛喜中勿許人物不副所願 即成妄語

盛怒中勿答人簡既形紙筆 溢語難收

無心於事無事於心兩者既無 即得解脫

聞諸惡言如風如響彼自妄發 何須理會

人有不及可以情恕真心便息 事過無悔

非意相干可以理遣當無一事 胃中泰然

良田萬頃日食二升一飽之外 皆他入享

大厦千間夜卧八尺一席之外 皆是余地

說得一尺行得一寸說而不行 擯氣無益

但行好事莫問前程好事若行 前程自在

人與物同

貪生畏死人與物同也愛變戀親屬人與物同也當殺
戮而痛苦人與物同也所以不同者人有智物則無智人能
言物則不能言人之力強物之力則微弱人之力之微
不能自敵其身以其不能言而不能告訴以其力之微
弱不能勝我因謂物之受生與我輕重不等遂殺
而殺食之凡一飲一食不得肉則不美至於一食又不
止殺一物也食鳩鴿鵠雀者殺十餘命方得一羹
食蚌蛤蝦蟇者殺百餘命方得一羹又有好美味

求適意者則不止據現在之物順平常之理殺而食
之或驅役奴隸逐殺異品或畜養鷄魚犬彘
擇肥而旋殺生蟹投糟欲其味入鞭魚造膾欲有經
紋聚炭燒蚌環火逼羊開腹取胎刺喉瀝血作計烹
煎巧意鬪釘食之既飽則揚揚自得少不如意則怒
罵庖者嗟乎染習成俗見聞久慣以為飲食合當如
此而不以為怪深思痛念良可驚懼縣令俞偉謨
趙然居士六法圖

無私如天地光明如日月靜重如須弥深廣如大海
無住如虛空隨順如流水榮辱如空華冤親如夢幻
守此八如一生事畢

自警八莫

心念莫妄想光陰莫閑過名利莫求嗔怒莫恣縱
見人莫嫉忌世財莫常守強梁莫恃賴臨事莫害人
守此八莫一生安樂

作官十宜

百姓宜安刑罰宜省稅斂宜薄冤抑宜察追呼宜
簡判決審宜用度宜節興作宜謹燕會宜戒殺思惠
宜豫防守此十宜治道盡矣

處世十當

習氣當除心行當息諸惡當斷衆善當行五教當
減三業當淨盈滿當畏危難當救善事當成就為人
當竭力守此十當生死無愧

對治十常

居富貴常憐窮困受快樂常恐災禍見在常生知足未
未常思戒懼究結常求鮮克衣食常思未處起念

常教純正出語常思因果逆境常當順受動靜常付
無心守此十常更無煩惱

悲誓十願

願一切人安樂願一切人離苦願難行能行願難捨能捨
願難忍能忍願離信能信願除憎愛願無欺誑願
常滿人意願常依本分守此十願賢行必成

好生之德

天地以好生為德故羽毛鱗介無一不遂其性諸佛以
慈悲為念故蠢動含靈無一不適其情此無他只是存

心廣大一切衆生皆吾愛子一切血屬皆吾性命則
放生詎可緩耶世人當知戒殺止足以解物之冤若
能放生不唯與物為恩又集無窮之福今人處世
豈無所願子孫則欲其昌榮名利則欲其超勝以
至學道學佛必欲善行圓滿早成正覺余見世人皇
皇百計求是數者無一如意曾未知放生因果其效
甚速不觀古人已驗之事難發好生慈悲之心漢楊
寶救一黃雀報以玉環令生清白子孫其後衆乘賜
虜回世三公觀前人子孫昌榮如此則凡為子孫計

者可不以放生為急乎宋嘗公戲編竹橋以渡羣蟻
遂鬼天下福祿壽考當世無比觀前人名利起勝如
此則凡為名利計者可不以放生為急孫真人解手
衣贖蛇得水府活人之方遂登仙籍壽禪師盜錢放
生恬不畏死遂為大善知識則道佛之獲報應又如
何耶且放生之門非止一端或奉於四月八日供佛
之時或施於慶誕日祝壽之際或遇本命或因疾病
或過門而憐其無辜或出路而見其可憐皆因果也
會稽丁銳撰

司馬溫公訓儉

孔子曰奢則不遜儉則同與其不遜也寧固又曰與其奢也寧儉又曰以約失者鮮矣又曰士志於道而恥惡衣惡食者未足與議也古人以儉為美德今人以儉相恥病嘻異哉昔張文節公知白為相自奉養如河陽掌書記時所親或規之曰公受俸不少而自奉如此雖自信清約外人頗有公孫布被之譏公宜少從衆公嘆曰吾今日之俸雖舉家錦衣玉食何患其不能顧人之常情由儉入奢易由奢入儉難吾

今日之俸豈能常有身豈能常存一旦異於今日家人習奢已久不能頓儉必至失所豈若吾居位去位身存身止如一日乎嗚呼墮者之深謀遠慮豈庸人所及哉御孫曰儉德之共也侈惡之大也共同也言有德者皆從儉來也夫儉則寡欲君子寡欲則不役於物可以直道而行小人寡欲則能謹身節用遠罪豐家故曰儉德之共也侈則多欲君子多欲則貪慕富貴枉道速禍小人多欲則多欲則多求妄用敗家喪身是以居官必賄居鄉必盜故曰侈惡之大也

丹穴老人曰知溫公之訓儉又當知其所以儉儉之中禮人皆悅服儉不中禮人皆鄙之故處己以儉謂之德待人以儉謂之鄙予恐世人守溫公之訓馴致於鄙吝慳嗇也故云爾

求登科第

許叔微敬事白衣觀音求登科第夜夢觀音謂之曰汝前生無恩德及人如欲登第能以藥餌濟惠世人必獲福報叔微敬信其言將及二載復夢觀音以偈贈之曰藥有陰功陳樓閣處殿上呼臚唱六得五其

後以張九成榜中得第六名以太季恩例陞第五名而第四名乃陳祖言第六名乃樓才是應陳樓之間慶其名也

衆生愛戀性命

經云一切畏刀杖無不受壽命故王克殺羊羊奔客而拜訴鄒文立殺鹿鹿跪而流淚驚禽投案請命於魏君寤獸入廬求生於區民近者沈遇內翰通判江寧府時厨中殺羊屢失其刀窺之乃見羊銜刀而藏之墻下周稼李生嘗煮鱖見有鞠向上而以首尾

就湯者剖之見腹中有子乃知鞠身避湯者以愛子之故楊傑提刑遊明州育王山因晝卧夢有婦女十數人執紙若所訴密遣人往視行厨果得蛤蜊十數枚訴者乃蛤蜊求生也有生愛戀其情如此當其被擒執時前見刀杖乞生無由旁見親聚欲戀不得抱苦就終銜悲向尽既受屠割復入鼎鑊種種痛苦徹入骨髓當此之時彼心何如今人或為湯火所傷或為針刀誤傷手足痛已難忍必號叫求救至暫時頭昏腹痛或小可疾病便須呼醫買藥百端救療於

我自身愛惜如此至於殺物則恣意屠宰不生憐憫
未論佛法明有戒勸未論天理明有報應若不仁不
恕惟知愛身不知愛物亦非君子長者之所當為也
諦觀物情當念衆生不可不戒不可不戒知縣俞儒撰

范文正公義田記

范文正公蘇人也平生好施與擇其親而貧疏而賢
者咸施之方貴顯時於其里中買負郭常稔之田千
畝號曰義田以養羣族之人日有食歲有衣嫁娶凶
葬皆有贍擇族之長而賢者一人主其計而時其出

納焉日食人米一升歲衣人二緡嫁女者錢五十千
娶婦者錢二十千再嫁者錢三十千再娶者十五千
葬者如再嫁之數塋初者十千族之娶者九十口歲
入粳稻八百斛以其所出給其所聚需然有餘而無出
窮仕而家居俟代者預焉仕而之官者罷其給此其
大較也初公之未貴顯也嘗有志於是矣而力之未
逮者二十年既而西帥以至於叅大政於是始有祿
賜之入終其志公既沒後世子孫至今修其業承其
志如公存也公雖位克祿厚而貧終其身既沒之日

身無以為斂子無以為喪惟以施貧活族之人遺其子而已公之忠義蕭朝廷事業滿邇功名滿天下後必有良吏者書之予可無書也獨書其義田以警於世云公諱仲淹字希文嘉祐四年八月十日晉陵錢公輔記

慮傷蟄虫冬不修葺

曹武惠王彬國朝名將勲業之盛無與為此比嘗曰自吾為將殺人多矣然未嘗以私喜怒輒戮一人其所居堂樊穰子弟請加修葺公曰時方大冬牆壁瓦屋

石之間百蟲所蟄不可傷其生其仁心愛物蓋如此丹穴老人曰國朝名將未免殺戮余心曾不為恠以謂軫戒殺放生之心至大至廣者非斯人而何剿其寇使生民可以保其命此戒殺之大者也撫其境使斯民可以安其居此放生之廣者也觀予所編施之文乃戒殺放生之小者誠有愧焉得非所謂窮則獨善其身之意歟

張氏子

張氏子年十五歲嘗持鮮魚一籃就溪邊被之魚機

破

刺不已刀誤傷指痛殊甚忽念言曰我傷一指痛如是而羣魚刮鱗剔腮剖腹斷尾其痛可知特不能言耳盡放魚於溪中而歸自後更不復殺一物

撥刺上音鉢下音辣魚掉尾聲

竇諫議陰德記

竇禹鈞范陽人生五子儀儼侃偁僖儀礼部尚書儼禮部侍郎皆為翰林學士侃左輔關偁左諫議大夫參知政事僖起居即初禹鈞家豐厚年三十無子夜夢祖考謂曰爾早修行緣爾無子又壽不永禹鈞唯

諾禹鈞為人素長者先有家僮盜用房錢二百千慮事覺有女年十二三自寫券繫女臂云永賣此女與本宅償所負錢自是遠遁禹鈞見而怜之即焚其券以其女為妻曰善撫養之既笄復以二百千擇良配得所歸後僕聞之乃歸感泣訴以前罪禹鈞不問由是父子圖禹鈞像晨具祝壽同宗外婚有喪不能奉公為出錢葬之由公而葬者凡二十七喪孤遺女貧不能嫁者公為出錢嫁之由公而嫁者凡二十八人故舊相知雖與公有一日之雅遇其窘困必擇其子

弟可委以財者隨多寘貸以金帛俾之興販由公活
者數十家四方賢士賴公舉者不可勝數公每歲量
所入除伏臘供給外皆以濟人之急家惟儉素器無
金玉之飾室無衣帛之妾於宅南建書院四十間聚
書數千卷禮文行之儒延致師席凡四方孤寒之士
無供需者公咸為出之無問識與不識有志為學者
聽其自至故其子見聞益博由公之門登貴仕者前
後接踵未拜公之門必命左右扶公坐受及公之亡
蒙恩深者有持心喪三年以報遺德公之祖考既夢

以告無子壽促後十年復夢告之曰汝三十年前實
無子且壽促我嘗告汝今汝數年以來名掛天曹陰
府以汝有陰德特延壽三紀賜五子各崇顯仍以福
壽而終後當留洞天克真人位言訖復謂曰陰陽之
理大抵不易善惡之報或發於見世或報於未生天
網恢恢疎而不漏此無疑也公愈積陰功年八十二
別親戚談笑而盡世稱教子者必曰燕山竇十郎云
仲淹祖與之為故人實書其事於策以示子孫惜乎
不傳于天下故錄以示好善者庶見陰陽報之理

使惡者知所戒焉馮瀛王道贈公詩云燕山實子即
教子有義方靈椿一株老丹桂五枝芳叅政范仲淹
記

若蟻魁天下

二宋少時同在黌舍有胡僧相之曰小宋他日魁天
下大宋亦不失甲科後十年胡僧復至執大宋手而
驚曰公陰德文見於面如活數百萬人命者大宋笑
曰寒儒豈能活人命僧曰不然蠢動之物皆命也大
宋沈吟久之曰旬日前堂下有蟻穴為暴雨所侵群

蟻繚繞穴旁吾戲編竹橋以渡之僧曰是也小宋今
歲當首捷然公不出小宋之下叱唱第小宋果中魁
選章憲太后臨朝謂弟不可先兄乃以大宋郊為
第一小宋郊為第十

黃承事儲穀濟人

尚書張詠守成都嘗夜夢詣紫府真君繼請到門西
黃承事真君降階接之其礼甚恭揖張尚書坐生事
之下夢覺莫知所謂明日問左右西門有黃承事否
左右云有亟命召之戒令具常服來既至果如夢中

所見者即以所夢告之問平生有何陰德真君禮遇如此又坐吾上再三叩之不獲已承事云別無他長惟每歲收成之際隨意出錢收糶米糧候至來年新陳未接之際糶與細民價例不增升斗如故尚書嘆曰此宜居我之上也使兩吏掖之而拜世傳紫府真君主天下神仙籍如張尚書黃承事亦皆在籍中而黃承事又居其上其子孫青紫不絕非賑濟陰德之大者所致然耶黃承事諱兼濟

直疑自古無君子

夫禽獸之與人也何異焉有巢穴之居有夫婦之配有父子之性有生死之情烏反哺仁也隼憫胎義也蜂有君禮也羊跪乳智也雉不再接信也燕窠其道萬物之中五常百行無所不有也而教之為網罟使之務畋漁且夫焚其巢穴非仁也奪其親愛非義也以斯為享非禮也教民殘暴非智也使萬物懷疑非信也夫羶臭之歆不止殺害之機不已羽毛雖無言必狀我為貪狼之與豺豕鱗介雖無知必名我為長鯨之與巨虺胡能自安焉得不吁直疑自古無君子

宋齊丘撰 丹穴老人曰齊丘之矯言類乎佛老余
喜其戒殺故有取爾古者穴居野處茹毛飲血自稷
教民播種烝民乃粒其好生之德與夫勝殘去殺之
功自亘古以來未有大於此者也今齊丘議不及此
而直疑自古無君子惜哉

修為果報

儒家言施報佛家言布施果報其實一也佛言欲得
穀食當勤耕種欲得智慧當勤奉問欲得長壽當勤
戒殺欲得富貴當勤布施布施有四一曰財施二曰

法施三曰無畏施四曰心施財施者以財惠人法施
者以善道教人無畏施者謂人及衆生當恐懼時吾
安尉之使無畏或教以脫離恐懼使無畏心施者深
雖不能濟物常存濟物之心佛以孝養父母亦為布
施是凡施於外者皆為布施故為下而忠難事上為
長而仁慈安衆為師而謹於教導為友而誠於琢磨
一言一語之間必期有益一動一止之際必欲無傷
種種方便利物勿使有所損害皆布施也所為如此
存心又如此後世豈得不獲富貴之報古語云人人

知道有來年家家盡種來年穀人人知道有來生何不修取來生福是今所生受之福乃前世所後修者猶今歲所食之穀乃前歲所種者人不能朝種穀而暮食猶不能旋修福而即受所以穀必半歲福必隔世也孔子謂既以為人已愈有既以與人已愈多皆布施之謂曾子謂出乎爾者反乎爾老子云天網恢恢疎而不漏皆果報之謂是儒道二教皆言施報但不言隔世爾佛以此身為報身為報前世所為放生此身所以貧富貴賤榮枯壽夭種種不同則前世所為不同亦可知矣龍舒王日休撰

壽禪師放生得壽

禪師名延壽丹陽人初為餘杭縣衙吏虧欠庫中錢幾半有司鞠之止是買放生用過不意虧耗處如許也其罪當死臨刑顏色愉愉願謂獄吏曰我在世放活萬萬生命今死去徑歸西方豈不樂哉錢王聞而竒之亟釋其罪遂為僧夜夢觀音以甘露灌其口慧性日明著萬善同歸集數百卷住持雪竇永明壽至九十八十合掌生化而終瘞于塔下有僧每日遶塔

禮拜人問其故答曰我撫州僧也因病至陰府命未
盡放還見殿角有僧畫像一軸閻王自來頂頂禮余問
之主吏云此杭州永明寺壽禪師也凡人死者皆經
此處唯壽禪師不經此處已在西方極樂世界上品
上生王敬其人圖畫於此供養以此見好放生者徑
生西方又為陰府所重也如此丹穴老人曰禪師
好放生而自名曰延壽其後果得壽終生於淨土且無
輪迴死喪之苦其得壽可知矣古人言有志者事竟
成壽師得之矣

省心雜言

聞善言則拜告有過則喜有聖賢氣象○和以處衆
寬以接下恕以待人君子人也○誠無悔恕無怨和
無仇忍無辱○以責人之心責己則寡過以恕己之
心恕人則全交○寡言省心諱寔欲保身○多言獲利
不如默而無害○以忠孝遺子孫者昌以智術遺子
孫亡者以謙接物者強以善自衛者良○為子孫作
富貴計者十敗其九為人作善方便者其後受惠○
耳不聞人之非目不視人之短口不言人之過庶幾

為君子。廣積不如教子避禍，不如省非。屈己者能處眾，好勝者必遇敵。結怨於人，謂之種禍；捨善不為，謂之自盜。孝於親，則子孝；欽於人，則眾欽。內睦者，家道昌；外睦者，人事濟。食能止飢，飲能止渴，畏能止禍，足能止貪。知足則樂，務貪則憂。為政之要，曰公。曰清，成家之道，曰儉與勤。不自重者取辱，不自畏者招禍，不自滿者受益，不自是者博聞。吉凶悔吝，非天無有不由己者。張飽帆於大江，驟帆駿馬於平陸，天下之至快，反思則憂。噫，不爭之地，乘

獨後之馬，人或我嗤。樂莫大焉。敷文李士舉撰。

五戒之首

佛言五戒，以殺為首。佛言十業，以殺業為首。楞伽經云：若一切人不食肉者，亦無有人殺害眾生。由人食肉，故屠者殺，以販賣。若能悉捨不食，是真修行。堪受一切人天供養。若於食肉未能盡斷，願且以漸次方便除去。殺心或者不食，回等肉一者，曾見殺則不食。二者，曾聞殺則不食。三者，人專為我殺則不食。四者，家所自殺則不食。如是而戒，既不廢常食，且於眾

生無殺害意至於蚤蠶蚊蚋形雖微小其遭殺受痛亦與牛羊一等勿謂微小便輕殺之至於蛇蝎蜂蝎偶然前見未曾傷人勿謂螫毒便輕殺之至於籠養飛鳥繫閉走獸為其音聲形狀可以悅吾身目為我玩樂令彼憂愁又何不仁也若放之山林使得自在何異罪囚得脫牢獄今日自我滋生慈心慈心既堅當世世無殺物之意一身自戒則一家必不殺一家不殺則一鄉必漸效之其為功不可稱量佛語無虛理又明白仁人君子幸垂聽而無忽也縣令俞偉

譔

受用隨分說

佛言受即是空受謂受苦受樂及一切受用也如食列數味放節即空出多鬪從既到即空終日遊觀既歸即空又如為善事既畢其勤勞即空而善業具在為惡事既畢其快意即空而惡業具在若深悟此理則食可菲薄無故用殺害之寃債出可隨分無勞心苦人之煩惱遊觀可息無放蕩廢事之愆尤善可勉為無懈怠因循之失惡可力戒無怨縱怨讐之罪余

喜得此理願欲與人共之龍舒王日休撰

仁壽必鑑

大藏經云人不殺得長命報如愛護物命及放生施食皆得長壽。神農草木云凡禽鳥飛投於人其口体内必有物中傷當與除去其害而放之大獲吉利必享高年。仙經云人能一生豈不殺心一切衆生見之不生恐怖。老人云小兒嬉戲殺蝶蟻蠅蟲之類宜禁之非惟傷生亦熾其殺心長大不知仁恕。里諺云畜雞害物命甚衆日食活蟲五百宜分半罪此

說雖鄙俗然亦誠殺之一端也。老人云凡人於行住坐卧之間見一切衆生投身死地如蛾赴燭如蟲墮網如鳥雀被傷如螻蟻被踏之類方便救護便獲生全此皆福壽長者之所當為也。蘇東坡云余少不喜殺生然未斷也近年始能不殺猪羊然性嗜蟹蛤故不免殺自去年得罪下獄始意不免既而得脫遂自此不復殺一物有見餉蟹蛤者皆放之缸中雖無活理然猶庶幾萬一便使不活亦愈於煎烹也非有所求覲但已親經患難不異雞鴨之在庖厨不復

以口腹之故使有生之類受無量痛苦爾猶恨未能
忘味食自死物也今日後者買一鯉長尺有咫雖困
尚能微動乃置水甕中須其死食生即放之

東平為善

後漢東平憲王蒼顯宗母弟也上問處家何等最樂
對曰為善最樂及薨爾宗東巡幸其宮追感謂其子
曰思其人至其鄉其處在其人亡爾宗大慟

司馬稱好

後漢司馬徽不談人短與人語美惡皆言好有人問

徽安否答曰好有人自陳子死答曰大好妻責曰人
以君有德故相告何聞人子死便言好徽曰吾妻之
言亦大好

楊寶黃雀

後漢楊寶華陰人年七歲因行至華山見一黃雀被
傷墜地為螻蟻所困寶見而怜之因取於巾箱中採
黃花蓋飼之經旬日瘡愈旦去暮來忽一朝變為黃
衣年以見寶下拜持玉環一雙贈之曰俾爾壽年九
十三而終俾爾子孫四世為三公寶生震明帝時為

大尉震生東和帝時為大尉秉生賜安帝時為司徒
賜生彪靈帝時為司空 丹穴老人曰好戲作罪世
俗以為大戒又豈知七歲小兒能好戲作善者乎其
後子孫蒙福壽如此其大且久也異哉報

天買放生

乾道年間海陵有販人載鱒魚數船欲往彼處貨之
既至將舣岸俄有黑雲蔽船雷霆大震船中鱒魚皆
羽化其販人覺腰間甚重解衣視之得黃金三十兩
時人謂天買放生蓋鱒魚有鑊湯之苦就死大酷故

天特捐金救之

李舟語

唐御史李舟曰使釋家生中國設教當如周孔使周
孔生西方設教當如釋迦天堂無則已有則君子生
地獄無則已有則小人入君子羸得為君子小人枉
了為小人

毛寶白龜

晉毛寶時年十二歲戲行於江口見漁人釣一白龜
寶以錢贖之放之江中後二十餘年寶守邾城與石

虎將軍交戰戰敗投江脚如踏石渡寶至岸回首視之乃昔時所放白龜也長四尺餘迴至中流猶反顧有不忍捨去之意

子瞻以已諭雞

蘇子瞻在元豐間赴詔下獄囑其長子邁送食惟菜與肉設有不測當送以魚以此為候邁謹守諭月後委親戚代送誤以肥鮮送之子瞻大駭憂不先於死乃就獄中作二詩有兔飛湯火命如雞之句神宗聞而憐之事後寬釋既而南行子瞻猶有慙意乃以

阿彌陀佛一軸隨行人問其故答曰此余投西方見佛公據也及赦罪放免還家每見庖厨有活物即令人放之嘗有言曰吾得罪處國何異雞鴨之在庖厨今豈復忍殺彼之生命耶丹穴老人曰揚子言控犴使人多禮又豈知囹圄使人戒殺乎以東坡之大才一旦遇難輒以已諭雞自後軫戒殺之心益篤况我等無才之人未及於難遽然有戒殺之念與豈不善哉

控犴牢獄也上邊迷切下音岸

東坡放生

蘇東坡自謂竄迹海上去死地稍近心頗憂之願學
壽禪師放生以證善果敬以亡母蜀郡太君程氏遺
留簪珥盡買放生以薦父母冥福其子邁在東坡之
側見所買放生盈軒蔽地或掉尾乞命或悚翅哀鳴
邁怜悲其意亟請放之旁有侍妾名朝云見邁衣衿
有燠動視之乃蟲也妾遽以指爪隕其命東坡聞之
曰聖人言近取諸身遠取諸物今我遠取諸物以放
之汝今近取諸身以殺之耶妾曰柰齧我何東坡曰
是汝氣體感召而生者不可罪彼要當拾而放之可

也今人殺害禽魚之命是豈禽魚齧人耶妾大悟自
後罕茹腥物多食蔬菜而已東坡舅氏諭之曰心即
是佛不在斷肉東坡曰不可作如是言小人女子難
感易流幸其作如是相有何不可

燠音軟細
蟲動也

黃魯直謂子瞻語

黃魯直謂子瞻語曰鳥之將死其鳴也哀其適到市橋
見生鷲繫足在地嗚叫不已得非哀祈於我耶子瞻曰
某昨日買十鳩中有四活即放之餘者幸作一杯羹
今日吾家常膳買魚數斤以水養之活者放而救

渠命殮者烹而悅我口雖腥膻之慾未能盡斷且一時從權耳魯直曰吾兄從權之既善哉魯直因作頌曰我肉衆生肉名殊體不殊元同一種性只是別形軀苦惱從他受肥甘為我須莫教閻老到自揣看何如子瞻聞斯語愀然歎曰猶我未免食肉安知不逃閻老之責乎

愀 七赤切 驚 恐變色也

善誘文終

木石居士跋

丹穴老人授予善誘文一卷喜不自勝翫味無已嘗怪乎童稚見果餌則喜見書卷則惡又怪乎羝羊見草則悅見豺則戰今之不樂為善者有如童稚之惡書卷也一旦見閻王又如羊之畏豺也可不懼哉吾儕在今日要當窒嗜慾之好節規利之私則善在其中也矣東坡嘗以為善悟空之語告魯直其言也鷄鳴起為善蝶化夢歸空孟子言為善必與為利並稱以垂誠東坡言為善乃以歸空聯句以自警未必孳孳

為善東坡猶以為空耳况散為利為惡乎願假軒軾
之言警乎世少助丹穴編施之萬一也本石居士虞
舜徒跋

